

مدیریت ادبیہ :

عزت ملیح، امیر فاسم

شرائط اشترا :

ولایتہ سنہ لک ۱۲۰، آئی آیلی ۶۰
غروشدر. جمالت اجنبیہ ایچون سنہ لک ۲۶،
آئی آیلی ۱۴ فراندر.

Directeur et rédacteur en chef:

FATK SABRI BEY

Bureaux: Rue Eski Zaptié, près
la nouvelle poste No. 2
CONSTANTINOPLE

Prix: 2 Piastres

پنجشنبہ — ۱۸ کانون اول ۱۳۲۴

محرر
مَجْمُوعَةُ
مُحَاطَات

MOUHIT

Illustration Hebdomadaire

مؤسسلری : فائز صبری، عبیرہ اسمر

مدیر و سر محرری :

فائز صبری

ادارہ خانہ سی :

ایک پوستخانہ آفرہ سنہ ایسی ضابطہ سواقعتہ
۲ نومردی دائرہ مخصوصدر :

شرائط اشترا :

درسمادتہ سنہ لک ۱۰۸، آئی آیلی
۵۴ غروشدر

آبونہ بدل بروجه پیشین استفا اولنور

نسخہ سی : ۲ غروش

نومرو : ۹ ہر هفته پنجشنبہ کونلری نشر اولنور سیلای، ادبی، علمی، فلسفی رسلی غزتہدر جلد : ۱



Photo : Aigle

فوتو : اغل

مجلس مبعوثان دائرہ سنہ ذات شاہانہ بہ مخصوص سالون

Le Parlement: Chambre réservée à S. M.

سیاسیات خارجیہ

درد بش آیدن بری اداره مشروطہ مک
سیاسیات داخلہ و خارجیہ مزہ فصل جریان
و برہم جکی دوشونیوز. باقیورز. مشاہدہ
و تدقیقہ چالیسیوز. اکلامیوز. احوال خارجیہ
اعتباریہ ادرا کزک فوقدہ برسیاست عالیہ تعقیب
ایدلیکنی فرض ایدپوز. بوفرضیہ، کشتی نک
اکلامی مدینتی، کورہمدیکنی تعینشدہ تابع
اولدینی، طبع بشر اقتضائی تابع اولدینی حساباتک
تأثیراتندن ازادہ قالہ میوز. معلوماتی تمدنی،
کورہمدیکنی، اکلامی مدینتی خصوصاً شدہ انسانہ
رہبر اولان حسابیدر. قبا تمیل اولہرق متاھل
دلایانلرہ اسناد اولان شو جاہ: «والدہ مک
یوردینی دشمن باشنہ، زوجہ مک یوردینی ہم
باشنہ.» بر حقیقی، طبایع بشریہ بی تدقیق
و تحلیل ایدنلر ایچون مہم بر حالت روحیہ بی
کوستریر. والدہ اوغلنک باشنہ بر فلاکت کستندن
اندیشاک اولور، زوجہ زوجنک ذوق و سفاقتہ
پویان اولسنی فرض ایدر. فرضیہ حسیاتہ کو-
رہدہ، بردہ مملکتک مزہ سعادت و سلامتی ارزو
ایندیکمز، عثمانلرک انقلاب اخیردن صکرہ
ترقیات و تعالیاتہ مظهر اولہ جفتندن، اداره
سابقہ داخلہ مملکتک اوغرا دینی خرابیدن
و خارجاً تنقیص شان و شرفی و کسر حیثیتی
موجب اولہ جق صورتہ دوجار اولدینی غولہ
ئندن قورتلہ جفتدن امیدوار بولندبغمز ایچون
سیاسیات خارجیہ مزہ مدہ موقوفیتلر ضہ کیرشدک.
منصفانہ دوشونفسک، بلغارستانک اعلان استقلالی
ایلہ بوشنہ و ہر سکتک الحق و قہملرنسک بزدہ
اعلان حریتدن و تأسیس مشروطیتدن اول
ظہورہ گلش اولدینی فرض ایسک و بوگون
موقع اقتداری اشغال ایدن قاینہ ارکانسک او
زمان یئہ عین ذواتدن عبارت بولندینی دہ قبول
ایلسک دیہ بیلیرکہ اوزمان، یعنی دوراستدادہ،
سوز سولیمک جسارت ایدہمین بٹون حتی
عثمانلر قان ایچین ایچین اغاردی. حکومتہ، قاینہ
ارکاننہ قارشئ برشی دہمزدی. دولنک باشندہ
بیوک بر بلہ بولندینی حس ایدرک عاداتو

واضحلالہ طوغرو یوردیکمز، ممالک عہد
نہنک انقاسی ایچون مقدمات حاضر لاندیغندن
پک بیوک بر تہلکہ ایچندہ بولندیغمز فرض
ایدردی. فقط بو وقہملر عثمانلر ایچون بر
فاتحہ اقبال اولان انقلابدن صکرہ وقوعہ کلدی
اعلان حریت و تأسیس مشروطیت اوزرینہ
عثمانلر یکیدن حیات بولشئر، اصلاحات
و تنسیقات داخلہ ایلہ، تأیید عدالت و مساواتلہ
ہر رمتہ یقینان افعال و حرکتلہ دور استبدادک
تخریباتی تعمیر ایتمکدن، اروپا دول مظہمی
آرہ سندہ سیاست اشغال ایستیکم موقعک خللدار
اولان قدر و مترتبی، شرف و اعتباری اعادہ
ایلمکدن امید وار اولمق باشلامشئردی، واقعا
بوکی وقہ حکومت مشروطہ عثمانیہ نک
اصلاحات داخلہ بہ حصر مساعی ایتمک و سیلہ
سیات خارجیہ سندہ بٹون دولتلرہ خوش کچمک
قرار و بردیکی بر سرمدہ تمدت ایستدی. عاداتا
قصدا عثمانلرک حریتہ، اداره مشروطیتہ
بر ضریہ اورملق اوزرہ ترتیب ایدلش اولدینی
ظن ایدلدی. انجق امید کسلعدی. عثمانی
سیاسیاتی ادارہ ایدن ذواہامن و اعتاد کوسترلدی.
دہا طوغروسی آتی ایچون پک طابانی امیدلر
بسلنمک باشلاندیغندن احوال روحیہ ملت،
بویلہ بر صفحہدہ ایکن فا فکرلہ دوشولمدی دہ،
موقیاتیہ و نتائج حسنہ انتظار ایدلدی...
نہ چارہ کہ سیاسیاتک دومی نہ طرفہ چورلدیکی
نہ یالبدینی اکلاشیہ مدی. دورہ حربتک ایلمک
نشہلہ هنوز سرمست بولندیغمز استقبال
ایچون موققتلر بکلہمکی حسیاتہ مزہ موافق کور-
دیکمز صرمدہ قاینہ بہ کوستریلن امن و اعتاد
نامک قیمتی قاینہ، ارکا تہجدہ تقدیر اولنلی ایددی.
مع التأسف بودہ تقدیر اولنمدی. بردہ ارقہمی
بولتیقہ سندہ دوام اولندی. ذاتا کندی یورکارتی
کندیلری تسلیمت ایتمش اولانلرہ بوسلیمتیلری
امیدلری تقویہ ایدہمک برشی سولینمدی،
هیچ برشی کوسترلمدی... بونک اوزرینہ
ایلمک فرضیہ لزدہ تردد حاصل اولدی. سیاسیات
خارجیہ مزہ ادارہ ایدن اللرک مقتدر اولدینی
فرض ایتمشیدک. بزئ سلامتہ موققتہ ایصال
ایدہمکندن امین بولنمشدق. فقط بوفرضیہ مزہ
حق کوسترہمک، بوامینتی تأیید ایلمک نہ ایددی؟
کوزلر مزلہ کورمدیکمز، قولانغزلہ ایستمدیکمز

برشی انجق دلالتک یالدمیہ اکلامی بیلیردک
کروہرضک ترکیاتنہ باقرق اجرام سواہمک دہ
ترکیاتنی اکلامغہ چالیشدبغمز کی.

بزہ دلالت ایدہمک احوال داخلہ مزہ
ایدی. بش آیدن بری درسعادت دوائر مرکز-
یہ سندہ اصلاحات نامنہ نہ یالہ بیلیدی؟ ولایتہ
ادارہ مشروطیہ لایق نہ تدایر اتخاذ اولندی؟
ادارہ نک بٹون شعباتندہ امور معاملات اصرافدہ
قالانلرک حالی اندردی... شدعی بونلرہ
باقرق سیاسیات خارجیہ مزہ کدہ بویلہ ادارہ
اولدینی فرض ایدرسک بٹون امیدلر، تسلیملر،
موققت خولیلری افول ایدپوز. اشته صوک
زمانلرہ قاینہ نک سیاسیات خارجیہ مزہ قارشو
مہاجراتی بو یولہ — مجہولاتہ قارشو —
اندیشلرہ و بریوز. رفقای محترمدن بری
«کامل پاشا بولتیقہمی معامدر.» دیوردی،
پک طوغرو سولیلوردی. برینک آوجی ایچندہ
صاقلادینی نسنی ایکی اوچ آئی اول حسیاتک
او زمانکی سوقتہ تبعاً «الماسپارہ» صانیوردی.
فقط بوگون احوال داخلہ مک دلالتیلہ لیلی
فرض ایدرک ما یوس اولپوز. قیاحت بزم دکل.
ادارہ مشروطیہ آیشیامش، اعتیادات استبداددن
کندیلری قورنارہ مامش اولان رجاک...
بکلہمک. بلکہ نطق اقتحایدہ سیاسیات
خارجیہ مزہ دائر دلالت کوریرز، دیدک. بو
امیدہ بوشہ جیقیدی. نطق اقتحانک مضبطہ
جوابیہ سندہدہ بو یولہ بردالات، ہیچ اولمازہ
قاینہ قارشو سیاسیات داخلہ و خارجیہ مزہ
حقندہ ملت اطمنان بخش اولہ جق صورتہ
ایضاحات و یرملری ایچون بر دعوت آرادق.
بونہ کورہمدک... حالبوکہ نطق اقتحایدن
یاخود مضبطہ جوابیدن، ویا قاینہ نک بیاتندن،
دکل درد بش آتیق، اوتوز ایکی سنہ مک سیاسیا-
تمزک بر تاریخچہ سنہ انتظار ایدپوردی...
بکلیم. بو سنہ اولمدیسہ، کلہ چک سنہ اولور.
رحمت مولایہ مفتقر محصول کی.

محمود صادق

